

Surat khabar: Utusan Sarawak (Sada Sarawak)

Hari/Tarikh: 20/9/2013

Muka surat: S4

Tajuk : Skop Anugerah Penyulut Unimas Ditambahka Agi Ba Taun Dudi.



NYADIKA PENGINGAT ... Sekteri Perintah Negeri Sarawak, Tan Sri Datuk Amar Haji Mohamad Morshidi Abdul Ghani begambar nyadika pengingat begulai enggau sida ke menang Anugerah Inovasyen Penulung Sapit Chanselor iya nya anugerah ke pemandu tinggi diberi Unimas.

Skop anugerah penyulut Unimas ditambahka agi ba taun dudi

KOTA SAMARAHAN: Universiti Malaysia Sarawak (Unimas) udah ngatur pengerami Anugerah Gemilang (MAGU) 2013 ba Arena Gemilang, DeTAR PUTRA kena Hari Tiga ke udah.

Penulung Sapit Chanselor, Prof Dato' Dr Mohamad Kadim Suaidi madahka, MAGU nya program ninting taun ke berengkah ditarur ba taun 2006 dikenra meri puji enggau penyulut bala staf ke udah meri servis.

"Pengawa meri puji ngena anugerah nyulut nya siti ari chara Unimas dikenra ngayanya universiti nya ngeramatka pengawa nempa modal mensia ke ulih ngatur enggau bejalaika pengawa ke chukup manah.

"Aku sigi endang temegah amat enggau penyulut bejalaika pengawa ke diayanya bala pemesai lebuh maya sida meri servis. Ngarapka iya ulih nyadi chunto sereta peransang ngagai sida ke bukai ngambika sama bela nitihka chara ke baka nya," ku iya lebuh bejaku ba pegerami MAGU.

Iya mega madahka, Anugerah Inovasyen Penulung Sapit Chanselor (AINC) ke berengkah dikenra ba taun 2011 nya anugerah keterubah ke diperebutka genap PTJ lalu nya tanda puji ke pemandu tinggi Unimas.

"Puji nya semina diberi ngagai PTJ ke udah mujur ngaga ubah sereta kreatif ba pengawa nambahka penau ke beimpak tinggi ngagai universiti.

"Insya Allah skop meri puji ketegal penyulut deka dikerembaika agi ba taun dudi nyin ila dikenra meransang chara bejalaika pengawa nyulut enggau inovasyen sereta ngasuh Unimas baka ke deka dikarapka kitai," ku iya.

Ku iya, pengawa Unimas ke deka nyulut ba pelajar tinggi dikenra ngasuh juluk ati ke deka meda sebuah universiti ke pemandu manah sereta dipilih ba rantau tu enda ulih nyadi nyata enti nadai sukung enggau komitmen ari bala staf.

"Ketegal nya, staf Unimas patut ngubah diri nuju ngagai 'the thinking public service' ke ulih berunding ari bala temuai ke dipebasaka bukai.

luar kutak maya meri servis ke pemandu manah ngagai mensia mayuh sereta ngambika ulih nambahka pemayuh produktiviti sida," ku iya.

Sama bela dilancharka mega Unimas Streetview dikenra ngasuh mensia mayuh ngelala Unimas lebih semak kelimpah ari ulih meda gaya ke bisi nyadi ba kampus ke ulih dipeda ari laman web rasmi Unimas.

Ba pengerami nya bisi 179 iku staf nerima Anugerah Servis Angkun lalu bisi 17 kategori anugerah diberi ngagai staf, entara nya Outstanding Online Course Award, Best Researcher Award, Anugerah Pengatur Pengawa enggau Profesional, Anugerah Meransang Main enggau Lumba (Lelaki enggau Indu) sereta AINC.

Sama bisi enggau ba pengerami nya mega Sekteri Perintah Negeri Sarawak, Tan Sri Datuk Amar Haji Mohamad Morshidi Abdul Ghani, Chairman Lembaga Pengarah UNIMAS, Datu Dr Hatta Solhi enggau bala temuai ke dipebasaka bukai.